

緯雲樓牙籤萬軸獨缺此書述古



主人所以自豪者也此怡邸舊藏初

印精絕乃宋槧中無上之筆授緯

得自東瀛以千金歸余余會燭趙

璉香重裝因識如右戊午冬日吳

興張乃鉉呵凍書





翰林學士正奉大夫知制誥兼侍講兼脩國史洪邁劄子奏臣  
切謂

國家史冊雖本於金鎖石室之藏然天下遺文軼事散落人間  
實賴山林博洽之士廣記備言上送有司以爲汗青之助臣比  
以蒐鎖下材承乏

四朝史院罷歲引日僅能奏篇旣蒙

聖恩策其羣粹寸長褒進崇秩於此有人焉蓋嘗展施功緒卓  
然成勞臣若隱而不言掠人之功以爲己力揆之心頗安所置  
愧敢以龍乾順王稱姓名冒聞

宸帑躬順者和州布衣也其曾祖原昔爲

泰陵實錄院官故其家藏書念元祐黨籍籍諸臣及建中上書邪  
等入多表表立名節經崇寧禁錮靖康流離子孫不能盡存平



生施爲漫不可考故慨然爲意訪求闕遺遂成列傳譜述一百  
卷凡名在兩籍者三百九人而書於編者三百五其不可得而  
詳者四人而已稱之公實在紹興中亦爲  
實錄脩撰稱承其緒餘刻意史學斷自

太祖至手

欽宗上下

九朝爲東都事略一百三十卷其非

國史所載而得之於旁搜者居十之一皆信而有證可以據依  
臣之成書實於二者有賴躬願舉進士不第今爲不理選限登  
仕郎稱今以承議郎知龍州欲望

聖慈鑒三人鈐槧之勤

特加甄錄以爲學士大夫之勸臣不勝昧死皇恐俟

命之至取

進止三月十八日三省同奉

聖旨王稱除直祕閣龍興縣令特補上州文學

告詞

敕承議郎新差權知龍州軍州兼管內勸農事兼管界外沿邊都  
巡檢使賜緋魚袋王稱乃治之子猶思繼承其業矧貴而爲士  
者哉爾敏識多聞儒林之秀惟乃父習知今事長於敘述而能  
克紹先志論文舊聞哀上成編有補太史顯揚之望蓋不孤矣  
道山寓直斯文有光其欽若干殊寵可特授直祕閣依前祿議  
郎差遣賜如故



臣稱言伏奉

告命除臣直祕閣者謬述一經冒徹

宸旒之遽誤膺

再命躡陞芸閣之華省已兢惶荷

恩深厚臣稱誠惶誠恐頓首頓首伏念臣賦才冗瑣受學空疎  
蚤結髮於薦紳粗服膺於簡策未聞儒者之六藝至有史官之  
三長念昔先臣少登鼎甲忝

甘泉之侍從陪

南度之衣冠曾與編摩肆掌

書命臣猥名牛馬之下走敢謂箕裘之故家聞詩禮以傳傳撫  
篲瓢而無恙其搜

故實坐閱歲時瑣瑣記錄之多後復編秩之廣念食斤而其美



亟抱璞以直

前上祈折衷於

聖人下將以俟於君子曲荷

帝心之善貸驟加儒館之清名幸則已多

報於何有此蓋伏遇

皇帝陛下睿譔天錫

聖學日新

事深臨鑒於

本朝

政若稽於

先烈

宏遠之度

同符於

執祖

忠厚之澤

合德於

仁宗

前事誠

後事之師

家法乃

治法所出致茲官廟亦與

甄陶臣敢不博采舊聞仰酬

洪造不與校讎之列夢長到於

石渠遠瞻



咫尺之威心日馳於

魏闕臣無任瞻

天望

聖激切屏營之至謹奉表陳

謝以

聞臣稱誠惶誠恐頓首頓首謹言

十月日承議郎直秘閣權知龍州軍州兼管馬勸農使兼管通遠軍使權知龍州軍州兼管馬勸農使權知龍州軍州兼管馬勸農使權知龍州軍州兼管馬勸農使

東都事略目錄

承議郎新權知龍州軍州兼管馬勸農使兼管通遠軍使權知龍州軍州兼管馬勸農使兼管通遠軍使權知龍州軍州兼管馬勸農使兼管通遠軍使

第一卷

本紀一

太祖皇帝一

第二卷

本紀二

太祖皇帝二

第三卷

本紀三

太宗皇帝

第四卷



本紀十二

欽宗皇帝

第十三卷

世家一

宣祖昭憲皇后杜氏

太祖孝惠皇后賀氏

孝明皇后王氏

孝章皇后宋氏

太宗淑德皇后尹氏

懿德皇后符氏

明德皇后李氏

元德皇后李氏

真宗章懷皇后潘氏

章穆皇后郭氏

章獻明肅皇后劉氏

章懿皇后李氏

章惠皇后楊氏

仁宗廢后郭氏

慈聖光獻皇后曹氏

溫成皇后張氏

第十四卷

世家二

英宗宣仁聖烈皇后高氏

神宗欽聖憲肅皇后向氏



本紀四

真宗皇帝

第五卷

本紀五

仁宗皇帝

第六卷

本紀六

仁宗皇帝

第七卷

本紀七

英宗皇帝

第八卷

本紀八

神宗皇帝

第九卷

本紀九

哲宗皇帝

第十卷

本紀十

徽宗皇帝

第十一卷

本紀十一

徽宗皇帝

第十二卷



商王元份

越王元傑

鎮王元偓

楚王元偁

周王元儼

崇王元德

第十六卷

世家四

真宗六子

溫王禔

周王祐

昌王祗

信王祉

欽王祁

仁宗三子

揚王昉

雍王昕

荆王曦

濮安懿王

英宗四子

吳王顥

潤王頤

益王頤

第十七卷



欽成皇后朱氏

欽慈皇后陳氏

哲宗昭慈聖憲皇后朱氏

昭懷皇后劉氏

徽宗顯恭皇后王氏

顯肅皇后鄭氏

顯仁皇后韋氏

明達皇后劉氏

明節皇后劉氏

欽宗皇后朱氏

第十五卷

世家三

宣祖五子

曹王光濟

魏王廷美

岐王光贊

太祖四子

滕王德秀

吳王德昭

舒王德林

秦王德芳

太宗九子

漢王元佐

昭成太子元僖



邠王材

祁王模

莘王植

儀王朴

徐王棣

沂王瑋

鄆王拱

和王拭

信王榛

漢王椿

安康郡王雍

廣平郡王捷

相國公挺

陳國公機

瀛國公樾

建安郡王瑛

嘉國公倚

溫國公棟

英國公德

儀國公桐

呂國公柄

潤國公縱

欽宗一子

皇太子湛



世家五

神宗十四子

成王侑

惠王僅

唐王俊

褒王伸

真王侔

豫王价

徐王侔

吳王佖

儀王偉

燕王俱

楚王似

越王德

哲宗一子

獻愍太子茂

徽宗三十一子

充王稹

鄆王楷

荆王楫

肅王樞

景王杞

濟王栩

益王棧



第十八卷

列傳一

范質 曼果

王溥 貽孫 貽永

魏仁浦 成信

第十九卷

列傳二

韓令坤

石守信 保興 保吉 元孫

王審琦 丞衍

符彥卿

王景

王晏

王彥超

武行德

楊廷璋

郭從義

第二十卷

列傳三

慕容延釗

李處耘 繼隆 繼和 昭亮

王全斌 觀

王仁瞻

崔彥進

劉廷讓

第二十一卷

列傳四

咎居潤

張美

向拱

高懷德

韓重贇 崇訓

張永德

郭崇

宋偓

郭守文

第二十二卷



列傳五

李筠

李重進

第二十三卷

列傳六

孟昶

劉鋹

李煜

劉繼元

第二十四卷

列傳七

錢俶

高繼冲

周行逢

陳洪進

第二十五卷

列傳八

吳廷祚

李崔矩

元稹

繼昌

漢鼎

楚昭輔

第二十六卷

列傳九

趙普

永宗

承煦

第二十七卷

列傳十

曹彬

澤璋琮

潘美

第二十八卷

列傳十一

馮繼業

折德宸

党進

曹翰



崔翰

李懷忠

田重進

米信

第二十九卷

列傳十二

何繼筠

丞矩

李謙溥

允則

馬仁瑀

李漢超

郭進

姚內斌

董遵誨

賀惟忠

王彥昇

第三十卷

列傳十三

張昭

陶穀

竇儀

儀備

劉溫叟

燁凡

扈蒙

王祐

第三十一卷

列傳十四

薛居正

呂餘慶

端

劉熙古

沈倫

盧多遜

宋琪

石熙載

中工

第三十二卷

列傳十五

李昉

宗諤

呂蒙正

居簡

張齊賢



第三十三卷

列傳十六

張遜

趙鎔

弭德超

第三十四卷

列傳十七

荆罕儒

嗣

楊業

延昭

曹光實

克明

康保裔

繼英

第三十五卷

列傳十八

李穆

賈黃中

蘇易簡

錢若水

第三十六卷

列傳十九

郭贊

李至

王沔

辛仲甫

張宏

趙昌言

陳恕

溫仲舒

劉昌言

第三十七卷

列傳二十

張洎

李昌齡

王化基

舉正

李惟清



第四十二卷

列傳二十六

王顯

王繼英

周瑩

馬知節

王嗣宗

雷有終父德驥有弟孫簡夫

第四十四卷

列傳二十七

陳堯叟堯佐堯咨

趙安仁良規君錫

陳彭年

任中正中師

周起

第四十五

列傳二十八

張詠

馬亮

薛映

凌策

李及

第四十六卷

列傳二十九

邢昺

杜鎬杞

晁迥宗懋

孫奭

馮元

第四十七卷

列傳三十

楊億

劉筠

戚綸父同文

梁顥



夏慶嶠

楊礪

宋湜

第三十八卷

列傳二十一

宋白

楊徽之

徐鉉

宋準

梁周翰

朱昂

胡旦

柳開

第三十九卷

列傳二十二

田錫

王禹偁

第四十卷

列傳二十三

李沆

王旦

第四十一卷

列傳二十四

向敏中

畢士安

寇準

第四十二卷

列傳二十五

高瓊

傅潛

王超

王繼忠

葛霸

馮守信

石普



孫何 僅

第四十八卷

列傳三十一

曾致堯 筆

梅詢

錢昆 明遠

第四十九卷

列傳三十二

王欽若

丁謂

馮拯

第五十卷

列傳三十三

曹利用

張耆

楊崇勳

第五十一卷

列傳三十四

李迪 東之

王曾 弟子

張知白

第五十二卷

列傳三十五

張士遜

呂夷簡 公綽 公弼

第五十三卷

列傳三十六

魯宗道

薛奎

王曙 益柔

蔡齊 延慶



第六十卷

列傳四十三

陳從易

楊大雅

李垂

燕肅

胥偃

司馬池

孔道輔 宗翰

段少連

蔣堂

彭乘

趙師民 音若

第六十一卷

列傳四十四

張亢

种世衡 詰諤

劉滄 兄漢

第六十二卷

列傳四十五

王德用

夏守贊 隨

郭永祐

許懷德

狄青

張攸

郭達

第六十三卷

列傳四十六

丁度

吳育 充

明鎬

高若訥

第六十四卷

列傳四十七

第五十四卷

列傳二十七

夏竦

范雍

計用章附

程琳

姜遵

趙楨

第五十五卷

列傳二十八

李謫

盛度

王

玉博文

張觀

鄭戩

任布

第五十卷

列傳三十九

王隨

章得象

晏殊

杜衍

第五十七卷

列傳四十

宋綬 敏求

敏求

李杜谷

做

第五十八卷

列傳四十二

韓憶綜絳維鎮

綜絳雄鎮

第五十九卷上下

列傳四十一上下

范仲淹 純仁 純禮 純粹

純仁  
純禮  
純粹



田況

程戡

第七十一卷

列傳五十四

張昇

孫抃

趙鼎

胡宿

宗愈

第七十二卷

列傳五十五

歐陽脩

集

第七十三卷

列傳五十六

包拯

吳奎

趙抃

唐介

第七十四卷

列傳五十七

張方平

王拱辰

第七十五卷

列傳五十八

余靖

蔡襄

何郯

梅摯

許元

陳希亮

吳中復

第七十六卷

列傳五十九

劉敞

攷奉世

呂溱

謝絳

蘇紳

葉清臣

楊察

尹洙

兄源

孫甫

石楊休

第六十五卷

列傳四十八

賈昌朝

宋庠

祁

呂夏卿

劉義叟

第六十六卷

列傳四十九

陳執中

龐籍

梁適

孫子美

劉沆

第六十七卷

列傳五十

文彥博

及甫

第六十八卷

列傳五十一

富弼

紹庭

第六十九卷

列傳五十二

韓琦

忠彥

曾公亮

孝寬

第七十卷

列傳五十三

王堯臣

叔朱

孫沔



賈黯

沈遼

鄭獬

祖無擇

第七十七卷

列傳六十

范鎮

百條 祖禹

第七十八卷

列傳六十一

呂誨

劉述

劉琦

錢顗

第七十九卷

列傳六十二

王安石

安國 安禮 雱

第八十卷

列傳六十三

陳升之

王珪

蔡確

第八十一卷

列傳六十四

邵亢

馮京

元絳

孫固

第八十二卷

列傳六十五

蔡挺

王韶  
厚

薛向

第八十三卷

列傳六十六

呂惠卿

張璪

蒲宗孟

第八十四卷

列傳六十七

郝質

賈逵

楊遂

盧政

燕達

苗授

劉昌祚

劉舜卿

第八十五卷

列傳六十八

王廣淵

王陶

陳薦

孫冰

陳襄

孫洙

第八十六卷

列傳六十九

熊本

沈起

劉昇

沈括

徐禧

李穰

第八十七卷上下

列傳七十上下

司馬光

劉恕

第八十八卷



列傳七十一

呂公著

希哲

希顔

希純

第八十九卷

列傳七十二

呂大防

大臨

劉摯

蘇頌

第九十卷

列傳七十三

王存

趙瞻

傅堯俞

王巖叟

梁燾

鄭雍

第九十一卷

列傳七十四

滕元發

李師中

劉庠

趙鼎

呂大忠

游師雄

第九十二卷

列傳七十五

楊繪

李常

孫覺

鮮于侁

馬默

第九十三卷上下

列傳七十六上下

蘇軾

蘇轍

第九十四卷

列傳七十七

孔文仲

武仲 平仲

朱光庭

劉安世

彭汝礪

呂陶

張舜民

豐稷

王觀

第九十五卷

列傳七十八

章惇

曾布

第九十六卷

列傳七十九

安燾

李清臣

許將

鄧潤甫

黃履

第九十七卷

列傳八十

林希

蔣之奇

章榘

陸佃

溫益

吳居厚

安惇

第九十八卷

列傳八十一

鄧綰

洵武

蹇周輔

序辰

李定

舒亶



第九十九卷

列傳八十二

邢恕

楊畏

來之邵

上官均

董敦逸

第一百卷

列傳八十三

鄒浩

常安民

陳瓘

陳祐

龔夬

任伯雨

張庭堅

江公望

第一百一卷

列傳八十四

蔡京

第一百二卷

列傳八十五

趙挺之

張商英

何執中

鄭居中

劉正夫

第一百三卷

列傳八十六

張康國

劉逵

朱諤

林摠

管師仁

侯蒙

馮熙載

第一百四卷

列傳八十七

姚兕

折可適

郭成

劉仲武

趙隆

和詵

第一百五卷

列傳八十八

徐勣

陳師錫

石公弼

張克公

黃葆光

崔鵬

第一百六卷

列傳八十九

王黼

朱勔

第一百七卷

列傳九十

种師道

師中

劉延慶

何灌

第一百八卷

列傳九十一

唐恪

何臬

陳過庭

聶昌

孫傳

張叔夜

第一百九卷



邵暉

張綸

崔立

趙尚寬

高賦

許遵

魯有開

第一百十三卷

儒學傳九十六

聶崇義

郭忠恕

王昭素

孔維

李覺

崔頤正

第...  
第...  
第...

孔宜

穆脩

李之才

周堯卿

代淵

胡瑗

孫復

石介

第一百十四卷

儒學傳九十七

李觀

蘇洵

王回

周敦熙

張載

程顥

顏復

龍其原

游酢

王當

陳暘

兄祥道

第一百十五卷

文苑傳九十八

趙隣幾

韓溥

列傳九十二

王雲

梅執禮

司馬朴

譚世勛

第一百十卷

忠義傳九十三

劉平 李時

馬遂

曹覲

蘇斌

詹良臣

陳遘

程振

李熙靖

任福

王珪建元光固忠義  
蘇保耶傳

孔宗旦

趙師旦

彭汝方

第一百十一卷

忠義傳九十四

傅察

張確

張克戩

朱友恭

李洵

李若冰

第一百十二卷

循吏傳九十五

程羽

陳靖

蔣興祖

朱昭

郭滸

霍安國

劉幹

吳革

王明

薛顏



鄭文寶

吳俶

吳路

樂史 子黃月

夏侯嘉正

羅處約

李建中

路振

崔遵度

石延年 劉潛附

蘇舜欽

梅堯臣

江休復

章望之

王令

文同

楊傑

郭祥正

楊蟠

第一百十六卷

文苑傳九十九

黃庭堅

秦觀 觀李唐

張耒 李昭紀附

晁補之 晁之

陳師道

廖正一

李之儀

李格非

李公麟

米芾

賀鑄

劉涇 鄭以微附

蔡肇

周邦彥

唐庚

鮑由

倪濤

蘇元老

第一百十七卷

卓行傳一百

陳烈

朱壽昌

劉庭式

鄭俠

樂谷

徐積

第一百十八卷

隱逸傳一百一

蘇澄隱

陳搏

种放

郭震

李漬

錫野

邢惇

林逋

徐復

高擇

張俞

邵雍

常秩

第一百十九卷

外戚傳一百二

杜審琦

審琦 審琦 審琦

王繼勳

賀令圖

劉美

李用和

璋璋

張亮佐

曹份

高士林

向宗回

宗良

第一百二十卷

宦者傳一百三

王繼恩

劉承規

秦翰

張崇貴

周懷政

雷允恭

閻文應

上良

任守忠

李憲

王中正

宋用臣



第一百二十一卷

官者傳一百四

童貫

梁師成

第一百二十二卷

僭偽傳一百五

張邦昌

第一百二十三卷

附錄一

遼國上

第一百二十四卷

附錄二

遼國下

第一百二十五卷

附錄三

金國一

第一百二十六卷

附錄四

金國二

第一百二十七卷

附錄五

西夏一

第一百二十八卷

附錄六

西夏二

第一百二十九卷

附錄七

西蕃

第一百三十卷

附錄八

交趾

東都事略目錄終

眉山程舍人宅刊行  
已申上司不許覆板



京都事略卷第一

本紀一

太祖啓運立極英武睿文神德聖功至明大孝皇帝其先出于  
帝高陽氏之後造父爲周穆王御破徐偃封趙城因氏爲自漢  
京兆尹廣漢居涿郡遂爲涿郡人至唐而高祖僖祖皇帝生  
焉僖祖仕至文安令曾祖順祖皇帝仕歷藩府從事兼御  
史中丞皇祖翼祖皇帝少有大志仕至涿州刺史贈左驍衛  
上將軍皇考宣祖皇帝少曉勇善騎射而雅好儒素起家事  
趙王王鎔時梁晉爭天下晉求援於鎔鎔命宣祖以五百騎  
赴之莊宗嘉其勇敢因留之命掌禁軍爲飛捷指揮使自同光  
至開運踰二十年不遷而宣祖亦未嘗以介意漢乾祐中王

景崇以鳳翔叛 宣祖與征討禦之於寶雞敗之殺獲萬計是役也 宣祖身先士卒而中流矢勇氣彌厲以功遷護聖都指揮使仕周累遷龍捷左廂都指揮使岳州團練使世宗征淮東宣祖爲前軍副都指揮使領兵先入維揚禁止侵暴民情大悅世宗嘉之未幾以疾歸與 太祖會于壽春歸及中途而崩贈武清軍節度使 太祖即第二子也以後唐天成二年二月十六日生于洛陽夾馬營 母昭憲皇后嘗夢白入懷而娠生之夕光照室中胞衣如茜苔體被金色三日不變幼受學于鄉先生辛文悅每歸必令羣兒前導路又往往避之及長天安雄偉性沉厚有大度嘗游復州于王彥超不爲所禮去依隨州董宗本鬱鬱不得志又捨去乃從周太祖于鄴唐順初補東西班行首出爲滑州與順副指揮使未行會世宗自瀛州入爲開封尹

以 太祖爲馬軍使顯德元年世宗命 太祖掌衛兵太原劉崇寇澤潞世宗親征陳于高平大將樊愛能何徽未戰而遁世宗躬自督戰 太祖謂麾下曰主將如此是吾致命之秋也即大呼躍馬徑犯其鋒萬衆披靡崇大潰世宗以 太祖爲前都虞候領耀州刺史加永州防禦使世宗徵樊愛能何徽之敗欲以兵力威天下命 太祖訓練武藝超絕者分隸殿前諸軍自是禁衛盛矣二年世宗命王景向討攻秦鳳師久無功然以餽運不繼欲罷兵意未能決遣 太祖視其形勢使回其言秦鳳可攻之狀未幾平二年世宗征淮以 太祖領親軍翼從敗淮人于渦口唐將皇甫暉姚鳳率衆十五萬塞清流關太祖擊走之暉退保滁州斷橋自守 太祖追至城下暉曰人各爲其主願成列以決勝負 太祖笑而許之暉整陣以出



太祖擁馬項直入左右馳突大呼曰吾止取皇甫暉他人非吾敵也手劍擊暉生獲之并擒姚鳳遂下滁州後數日宣祖率兵夜半至城下傳呼開門太祖曰父子雖至親城門王事也須明乃敢奉命至明乃入又破江南兵于六合斬首五千級時韓令坤為招討使平揚州唐主遣陸孟俊據蜀岡以逼其城令坤潛議退師太祖下令曰揚州兵敢有過六合者吾當折其足令坤懼始有固守之志太祖率兵擊之孟俊遁為追兵所殺又破其齊王景達兵於六合斬首萬級是役也軍士有不用命者太祖奮劍斫其皮篋陽為督戰以識之明日索得數十人斬以徇於是皆死戰宣祖崩起復拜定國軍節度使殿前都指揮使四年世宗復征淮至壽州命太祖率殿前諸兵擊紫金山連珠砦拔之遂下壽州世宗還京師以太祖領義成

軍節度使是歲世宗征漢泗以太祖為前鋒同師以敵人壁于十八里灘不能過淮世宗患之太祖躍馬以濟遂破其砦乘勝攻泗州焚郭門奔月城世宗親率精騎與太祖夾淮東下師及山陽東太祖擒其保大軍節度使陳承昭以獻遂拔楚州又破淮人于盩江口太祖抵南岸焚其營柵破之于瓜步淮南平唐主畏太祖威名用間於世宗遣使遺太祖書以白金三千兩為餽太祖悉輸之內府由是間乃不行五年改忠武軍節度使六年世宗北征以太祖將水陸之師至瓦橋關降其守將姚內斌契丹將高模翰率數萬騎來援陳于關城之北太祖將百餘騎禦之虜不敢動遂引去關南平世宗不豫還京師以太祖為殿前都點檢世宗崩恭帝嗣位改鎮歸德七年春正月辛丑朔鎮定馳驛上言大原劉承鈞結契丹

入寇乃命太祖統大軍北伐癸卯出師遣宣徽使符存渙餞于郊時京師多飛語云策點檢爲天子次陳橋驛軍中其議推戴成夜軍士聚于驛門俄而列校畢集曰我輩出萬死冒白刃爲國家破敵天子幼不如先策點檢爲天子然後北伐于時太祖以飲餞宣勸至醉卧閣中不之省遲明軍士控弦露刃直扣寢門相與扶太祖出聽事被以黃袍諸校列拜曰諸軍無主願策點檢爲天子傳呼萬歲聲聞數十里太祖叱之不退即共擁太祖就馬南歸太祖乃勒騎謂將校曰吾受命北征爲汝輩推戴吾有號令汝能果乎皆曰唯命太祖曰太后主上吾北面事之朝廷大臣吾之比肩也汝等不得驚犯宮闈侵陵朝貴近世帝主初舉兵入京城皆縱兵焚市汝等不得焚市及犯府庫從吾令常厚賚汝違吾令則連營擊戮諸

校拜拜稟令乃肅部伍自仁和門入諸校莫從太祖登明德門軍士釋甲歸營無敢動太祖亦歸公府宰相范質王浦魏仁浦謁見議遜位之禮於是太祖詣崇元殿受禪召文武百官就列至晡班受恭帝制曰天生蒸民樹之司牧二帝推公而禮位三王秉時以革命其極一也予末小子遭家不造人心已去國命有歸咨爾歸德軍節度使殿前都點檢趙某稟上聖之姿有神武之略佐我列祖格于皇天逮事世宗功存紂麓東征西怨厥績茂焉天地鬼神享于有德謠歌猗訟歸于至仁應天順民法堯禪舜如釋重負予其作賓嗚呼欽哉祇畏天命宣徽使引太祖就龍墀北向拜受宰相扶太祖升殿易服東序還即皇帝位羣臣拜賀詔曰周封杞宋唐命介冢所以重三恪之賓奉二王之後也其奉周帝爲節以承周祀正朔服



邑一依舊制稱朕意焉又尊帝太后爲周太后遷于西宮

東都事略卷第一

東都事略卷第二

本紀二

建隆元年春正月乙巳詔改元大赦天下

大宋已酉命官分告天地社稷遣中使兼傳

詔諭天下丁巳祀周廟因詔有司以時朝拜祭享今有司議

立宗廟已巳議立四廟鎮州言大原契丹軍皆遣二月乙

亥寧帝母南陽郡太夫人杜氏曰皇太后以周宰相范質兼

侍中主簿魏仁浦仍同中書門下平章事樞密使其廷祚同中

書門下二品己卯以吳越國王錢俶爲天下兵馬大元帥三月

壬戌有司上皇高祖文安府君謚曰文獻皇帝廟號僖祖

皇高祖妣崔氏謚曰文懿皇后陵曰欽陵皇曾祖中丞府君

謚曰惠元皇帝廟號順祖皇曾祖妣梁氏謚曰惠明皇后陵

曰康陵 皇祖聖衛府君諡曰簡恭皇帝廟號宣祖 皇祖妣  
京兆郡夫人劉氏諡曰簡穆皇后陵曰定陵 皇考武清府君  
諡曰昭武皇帝廟號宣祖陵曰安陵有司言 國家受周禪周  
木德木生火當以火德王邑尚赤臘用戊夏四月昭義軍節度  
使李筠叛 命石守信高懷德率師討之五月己亥朔日有食  
之癸卯石守信敗李筠於太平丙午周六廟成丁巳 詔親征  
削奪李筠官爵其廷祚爲東京留守 皇弟爲大內都點檢已  
未發京師甲子石守信高懷德破李筠二萬衆于澤州南六月  
辛巳 皇帝命衛士攻拔澤州李筠伏誅乙酉北伐潞州 亥  
筠子宇節降澤州辛卯赦天下丁酉班師秋七月戊申 皇  
帝至自澤州八月戊辰朔入閤甲申立 琅邪郡夫人王氏爲  
皇后趙普樞密副使九月丙午冊 四親廟戊申荆南高懷德

卒淮南節度使李重進叛 命王審琦李處耘率師討  
之削奪李重進官爵冬十月丁亥 詔親征 皇弟爲大內都  
點檢吳廷祚爲東京留守庚寅發京師丁未次揚州即日拔其  
城李重進伏誅揚州平十二月己巳班師丁亥 皇帝至自揚  
州泉州留從效稱藩

二年春浚五丈河 上曰河渠之役蓋非獲已順民奉已之事  
朕不爲也夏四月癸巳朔日有食之庚申寬勅罰法五月癸亥  
朔赦天下六月甲午 皇太后杜氏崩秋七月壬申以 皇弟元  
開封尹同平章事八月庚子江南國主李景卒冬十月丙午  
明憲皇后祔葬安陵

三年春正月甲戌 詔曰民生在勤所冀其附穀先王之明訓也  
朕奄宅中夏爲之司牧瞻乃億兆期於富庶知農桑之業爲衣



食之原今陽和在辰土膏肓脉起當攝種之云始慮游獵之尚多  
苟力作之不勤則秋斂之何望諸州長吏等任居牧守職司勸  
課所任敦率庶民勉厲農功俾比屋之人服勞於南畝三時之  
務無失於西成極其庶幾之勤用致安梁之詠懋功信實國典  
在焉二月甲午 詔常參官每五日以次轉對三月丁亥 詔  
曰王者設官擢之品建封樹之制所以厚人倫而一風化也近  
代以來選用失法幸多火罪其後收禮自全其禁之乙巳追冊  
故 會稽郡夫人賀氏為皇祖母五月大脩宮闕六月癸巳吳  
廷祚罷冬十月辛丑 詔自攝書使李適移攝書副使即州周行  
逢辛十一月癸亥 詔曰古稱使於四方不辱君命可謂士矣  
自今使諸道敢有求託者寘其罪荆南高繼冲歸朝得州一縣十七月  
張文表叛攻潭州周保權使來乞師是歲周鄭王出居于房州

乾德元年春正月庚申慕容延釗李處耘率師討張文表二月  
獲張文表癸巳克潭州荆南高繼冲歸朝得州一縣十七月  
克岳州戊寅克朗州慕容延釗盡平湖南之地得州十四監一  
縣六十六夏四月甲申曲赦荆湖復增脩宮闕凡規為制度並  
上指授既成坐殿殿中令洞開諸門皆端直通衢謂左右曰此  
如我心小有斜曲人皆見之秋九月葬高祖尊號曰應天廣運  
仁聖文武皇帝丁卯李處耘薨冬十一月癸亥 親享 太廟  
甲子合祭天地于圜丘以 宣祖配大赦天下改元十二月甲  
申 皇太后王氏崩閏月辛未改卜安陵

二年春正月辛巳 詔曰箕子之陳八政食為之首夷吾之述  
四民農居其一今土膏將起勾萌畢達平秩東作乃其時也諸  
州長吏等所宜敦勸課俾民力耕謹記旌旗勿令廢業厚生

務本副于意。大雨水害，蠲免丁芑，質太薄，魏仁浦罷趙時同中書門下平章事。李崇舉樞密使，壬辰詔曰：先所置賢良方正能直言極諫，經學優深，可爲師法，詳開吏理，達於教化，二科自今不限內外職官，前資見任，黃衣布衣並許詣闕進狀，朕當親試焉。己亥王仁贍樞密副使，二月浚閘河，夏四月乙卯葬宣祖皇帝。昭憲皇帝于安陵。孝明孝惠二后祔。乙丑薛居正以餘慶並參知政事。秋七月辛卯，令翰林學士承旨陶穀等四十三人各舉任滿鎮州者各一人。冬十月甲戌詔以王全斌崔彥進王仁贍劉光毅曹彬分路伐蜀。十二月王全斌克興州，與蜀軍戰于三泉，敗之。

三年春正月，劉光毅克夔州。王全斌克利州。己丑，克劍州。劉光毅克萬施開忠四州，乘勝至遂州。甲午，王全斌之師至魏城，蜀

主孟昶降。丙午，赦蜀得州四十六縣二百四十二戶。癸卯，命呂餘慶知成都府。王全斌殺蜀降兵二萬人。於是兩川盜賊羣起，詔所在討之。夏五月，孟昶至京師。戊子，赦天下。六月甲辰，以孟昶爲中書令，封秦國公。庚戌，昶卒。冬十一月，契丹寇易州。

四年秋七月甲寅，詔曰：豐年之詠播于頌聲，廣蓄之訓垂於載籍。今三時不害百姓，小康田里無愁歎之聲，境畝有遺澤之德。州縣長吏等職司牧養，義當勸率，俾及歲穰，多務儲積，以備凶歉，不至匱乏。古者倉廩實，禮節興，所宜禁民糴糴，勿致游惰，戒其崇儉，免於靡費。中嚴條教，稱朕意焉。王全斌克雅州。詔曰：五代以來，兵亂相繼，國用不足，庸調繁興，朕歷試艱難，周知疾苦，省需用度，未嘗加賦，優卹災沴，率從蠲復。所在長吏，明加告諭，自今百姓有能廣植桑棗，陂池田畝，有以輸納租稅，將帥



取軍中精卒爲牙兵冬十一月癸丑寬猛禁

五年春正月辛丑王全斌崔彥進王仁贍並以在蜀貪殘殺戮貶二月壬戌沈倫樞密副使夏六月戊午朔日有食之秋七月己巳詔曰自夏以來水旱爲沴深慮民庶至於流離宜令諸州長吏告民無轉徙被災民蠲其賦

開寶元年春二月立皇后宋氏夏六月癸亥詔曰人倫以孝慈爲先家道以敦睦爲美矧犬馬而有養豈父子之異居傷敗風化莫此爲甚應自姓祖父母父母在者子孫無得別籍異財長吏其中戒之秋七月太原劉承鈞死八月戊辰羣臣上尊號曰應天廣運聖文神武明道至德仁孝皇帝九月太原劉繼恩爲其臣侯霸所弑冬十月以諸鎮節度爲環衛十一月癸卯合祭天地于圜丘大赦天下改元

二年春正月戊午

詔親征太原已未

皇帝留守京師甲子

發京師乙亥時踰路川三月戊戌

皇帝至太原決晉祠水灌

城夏四月壬子何徽納款契丹于陽曲五月甲申進汾水灌太

原城閏月戊申太原南城陷水注城中劉繼元殺其宰相郭元

弔壬戌皇帝以者山班師六月癸巳

皇帝至白太尔秋九

月大霖雨冬十月丁亥

詔曰昔西漢永更民之明經術者令

與計偕縣令續食蓋優賢之道也國家歲開貢部數求俊乂四

方之士无遠弗届而經途遐阻費用或闕朕甚旰食自今西川

山南荆湖等道舉人往來給券

三年春正月辛酉

詔諸道州府察民有孝悌彰聞德行純茂

擅鄉曲之譽爲士庶推服者以聞夏四月辛未朔日有食之庚

子除河北諸縣秋七月壬子

詔曰吏員冗多而求其治者斯

難也本祿鮮薄而責以廉者无謂也與其允負而重費不若省  
官而益奉諸道州縣官宜以戶口爲準差減其負舊奉外月增  
給五千九月己亥命潘美景崇珂伐嶺南壬子潘美克富州  
冬十月潘美克賀州十一月克昭桂二州十二月庚午克連  
州戊子克韶州

四年春正月潘美克史雄二州二月丁亥克廣州擒劉鋹廣南  
平得州六十縣二百十四辛卯赦廣南三月乙巳詔曰百越  
之人久淪虐政其令嶺南諸州太吏察僞政有害於民者以聞  
當悉除之夏五月乙未皇帝御明德門受俘釋鋹罪以爲右  
千牛衛大將軍封貝勒侯冬十月癸亥朔日有食之丙戌詔  
嶺南諸州劉鋹日煩苛賦斂並除之平民爲兵者招誘復業十  
一月癸亥命崇天地于闕丘始用絳衣南簿大赦天下

五年春正月壬辰大雨雪禁民以鐵鑄佛像及浮圖二月庚寅  
劉熙古參知政事夏五月壬戌廢嶺南昭州都禁民採珠是月  
采珠放後宮五十餘人秋九月丁巳朔日有食之癸酉李崇矩  
罷

六年春二月周鄭王殂夏六月庚申劉熙去致仕秋八月甲辰  
趙普罷九月丁卯呂餘慶罷己巳白帝封晉王薛居正充倫  
並同中書門下平章事景多遜參知政事是時輔相皆出使壬  
申詔置王位宰相及十月甲申葬周恭帝于順陵  
七年春二月庚辰朔日有食之丙子日中有二黑子秋九月  
李煜使于江南召李煜入朝煜辭以疾命曹彬潘美征之冬  
十月克池州曹彬頓兵于采石磯十一月曹彬等用浮梁以濟  
師契丹來求通好



八年夏四月庚午吳越國王錢俶克常州五月壬申錢俶加太師詔曰嶺表之俗疲不呼醫自皇化攸及始知方藥商人賣生藥度嶺易葬秋七月辛未朔日有食之甲申詔錢俶歸國九月克潤州冬十月己亥李煜遣其臣徐鉉周惟簡來乞緩師王實遣歸其臣命脩西京宮闕十二月己亥曹彬克昇州擒李煜江南平得州十九軍三縣一百八江南既平捷奏至上因泣下謂左右曰宇縣分割民受其弊思布聲教以抚養之攻城之際必有橫遭鋒刃此實何罪因讀尚書嘆曰堯舜之世四

凶之罪止從投竄何近代法網之密邪辛丑赦江南九年春正月戊辰朔皇帝御明德門受俘以李煜為右千牛衛上將軍封違命侯庚辰詔以後月幸西京有事幸南郊二月癸卯羣臣上尊號曰應天廣運一統太平聖文神武明道至

德仁孝皇帝上以燕晉未平不許羣臣復以正極尊尊為號乃許庚戌曹彬樞密使己未吳越國王錢俶來朝三月詔俶歸國壬申身太廟丙子發京師庚辰謁安陵賜河南府民今年田租之半復奉陵戶一年辛巳皇帝至西京夏四月庚子合祭天地于南郊大赦天下都民垂白者相謂曰我輩少經亂離不圖今日復觀太平天子有泣下者辛亥皇帝至自西京曹翰克江州秋八月丙辰分兵五路以討太原有帥降于岐冬十月癸丑皇帝崩於萬歲殿年五十五殯于殿之西階羣臣上尊諡曰英武聖文神德皇帝廟號太祖明年四月乙卯葬永昌陵大中祥符元年加上尊諡曰啓運正極英武聖文神德宏功大孝皇帝五年再加上尊諡曰啓運正極英武聖文神德聖功至明大孝皇帝

臣稱曰自虞夏三代以上莫不得天下以正也堯舜傳之賢而禹傳之子湯武雖以仁易暴而湯有賴德孔子謂武未及善則是湯武尚知聖人之不幸也 太祖皇帝聰明齊聖而揖遜而有天下如堯舜至於天祿之傳不歸之子而歸之 弟則賢於禹遠矣况湯武乎自虞得天下以仁棄天下如脫屣數千百載之間繼堯舜之正者唯 太祖爲不可及也已

東都事略卷第二

東都事略卷第三

本紀三

太宗至仁應道神功聖德文武皇帝 太祖第三子也母曰昭憲皇后唐高祖人捧日軍千牛衛有娠以晉天福四年十月甲辰生於開封府浚儀縣崇德坊官舍赤光滿室幼穎悟好讀書 宣祖爲將征淮上克州縣諸將皆爭子女玉帛 宣祖爲訪其善籍歸遺 太宗謂之曰文武立身之本汝其勉之及長隆準龍顏望之儼然周顯德初補右班殿直遷供奉官五年改殿前祗候供奉官都知太原劉承鈞結契并殺邊命 太祖北伐 太宗從行至陳橋爲六軍推戴 太祖受周禮以 太宗爲殿前都虞候領睦州防禦使 太祖征澤潞留爲大內都監檢領秦鳳軍節度使 太祖征李重進又爲



大內都點檢二年爲開封尹同平章事乾德二年拜中書令開  
寶初太祖征太原以爲京師留守六年封晉王有詔班宰  
相上九年十月癸丑太祖崩奉遺詔即皇帝位大赦天  
下庚申以皇弟廷美爲開封尹封齊王太祖子德昭始封武  
功郡王盧多遜以中書門下平章事廷美輔樞密使十一月甲  
子追冊故尹氏及越國夫人符氏爲皇后丁卯詔曰帝  
堯之化實先於敦族成周之制爰後於異姓自今朝會齊王廷  
美武功郡王德昭位宜在宰相上

太平興國元年冬十二月甲寅大赦天下改元

二年春二月庚子皇帝更名夏四月乙卯葬英武聖文神  
德皇帝于永昌陵秋八月作崇聖殿冬十一月丁亥朔日有食  
之既

三年春三月己酉吳越國王錢俶來朝夏四月己卯陳洪進以  
漳泉兩州歸于有司得縣十四五月乙酉赦漳泉吳越國王錢  
俶以國歸于有司得州十三縣八十六丁亥徙封錢俶爲  
淮海國王戊子赦兩浙秋七月乙酉大雨震電八月黃河清甲  
戌羣臣上尊號曰應運統天聖神文武皇帝冬十一月丙申  
合祭天地于圜丘大赦天下

四年春正月庚寅以潘美伐太原石熙載兼樞密院事二月  
辛亥詔幸鎮州丙辰沈倫爲東京留守甲子發京師二月乙  
未郭進大破契丹于石嶺閏夏四月庚戌石熙載樞密副使壬  
戌皇帝幸太原折御卿克苛嵐軍乙丑克隆州己巳克嵐州  
辛未皇帝幸太原城以手詔諭劉繼元五月壬午幸城南  
癸未劉繼元降釋其罪太原平得州十軍一縣四十一乙酉赦

太原己丑以劉繼元爲右衛上將軍封鼓城郡公丁酉隴隆州  
六月庚申北征庚午次幽州秋七月甲申班師乙巳 皇帝至  
自范陽八月甲戌武功郡王德昭薨冬十月乙亥皇弟廷美進  
封秦王

五年秋七月丁未討交州冬十一月丙午以秦王廷美爲東京  
留守己酉 詔幸北邊壬子發京師戊午駐蹕于大名十二月  
乙酉 皇帝至自大名

六年春二月己酉 太祖子德芳薨交州行營大破賊軍于白  
藤江口夏六月甲戌薛居正薨秋九月乙未朔日有食辛亥遣  
普爲司徒兼侍中右熙載樞密使秦王廷美乞班超輩下從之  
壬子 詔曰古者振木鐸于路所以來四方之風誦設獸搏于  
庭所以延羣臣之諫諍在朝內外官自今或知民間利病及時

政得失並得直入無隱冬十月癸酉羣臣上尊號曰應運統天  
睿文英武大聖至德廣孝皇帝十一月癸亥合祭 天地于闕  
丘大赦天下癸丑楚昭輔罷

七年春三月癸巳朔日有食之乙巳以皇弟廷美爲西京留守  
交州遣使來謝其唐州鹽夏四月甲子寶鼎郡王贊寧知政事  
柴禹錫樞密副使病多遜罷乙丑皇弟廷美勒歸第盧多遜流  
崖州庚辰沈倫貶五月己酉夏州李繼捧來朝以其地來獻得  
州四縣八繼捧之弟繼遷叛丙辰皇弟廷美降封涪陵公房州  
安置秋七月甲午皇子德崇封衛王德明廣平郡王冬十月己  
卯嘗月備燕十一月戊午朔日有食之內午赦銀夏等州令諸州  
置農師

八年春正月戊寅曹彬罷己卯王顯明德超並樞密副使癸未



詔曰養老乞言折王之玉訓觀民教教載籍之大猷故適人振鐸以采詩刺史褰帷而按部所以參考風俗周知其淑慝延訪耆艾詳求於利病斯為茂典可舉而行宜令州縣長吏或部內有耆德高年為鄉里所信者並須延問民間疾苦吏治得失退而行之以稱吾意甲申 詔曰傳云能以禮讓為國平何有臣令開封府及諸州於衙要處設榜刻儀制令論如律二月戊子朔日有食之二月庚申宋琪參知政事甲申除福建諸州監禁夏四月壬子明德超流瑯州六月己亥王顯祖密使秋七月辛未郭勣罷度支李昉參知政事八月庚戌石熙載罷冬十月己酉趙普罷皇子元佐封楚王元佑陳王 皇子第三子封韓王元俊翼王元傑益王十一月壬子宋琪李昉並同中書門下平章事甲寅金宰相瑋諸王上壬申李穆罷參知政事

張齊賢王禹偁同舍書樞密院事

雍熙元年春正月壬戌求遺書於天下乙丑涪陵公建美卒癸酉李穆薨夏四月甲午 詔以今年十一月有事于泰山五月癸亥諸州農師丁丑乾元文明殿災六月丁亥 詔求直言 上謂近臣曰朕訪求謏議以規已失昔禹拜昌言世稱其明今之諫者苟能中時病朕立惜夏禹之拜乎壬寅 詔罷封泰山以冬至有事於南郊秋八月丁酉 親祠太一宮冬十一月丁卯合祭 天地于園丘大赦天下改元十二月庚辰錢俶改封漢南國王壬辰 德妃李氏立為皇后

二年秋九月庚戌焚王宮火平女楚王元佐廢閏月乙未 詔曰嶺南之俗民嫁娶喪葬衣服制度委所在長吏漸加戒厲俾遵條式其殺人祭鬼病不求醫僧置其孽深止化導使之懷革

冬十二月庚子朔日有食之內辰宋珙出師能

三年春正月庚寅命曹彬崔彥進米信田重進潘美北伐契丹  
戊戌李至罷三月曹彬克契丹固安城田重進破契丹于飛狐  
北潘美白西陲與契丹遇追至懷州克之辛巳曹彬克涿州潘  
美取朔州又取應州田重進聞寇自夏四月潘美克雲州五月  
曹彬等與契丹戰于歧溝關我師敗績潘美還代州徙雲應寰  
朔四州之民分置河東及京西計口給田免其租役六月戊戌  
朔日有食之辛仲甫參知政事秋八月丁酉王沔張宏並樞密  
副使雲州觀察使楊崇勳戰死之冬十二月王師敗績于君  
子館

四年春二月丙申錢俶封南陽國王甲寅錢俶改封許王夏四  
月癸巳張宏保趙昌言攝領國慶冬十一月庚辰詔曰王者

設班爵以取貴崇祿秩以養賢所以責之廉隅懲其官業者奉  
給之數宜從優厚應百官奉錢給佗物以八分爲十者自今給  
其實數

拱元年春正月戊辰黃河清乙亥親耕藉田始二推上

曰朕志在勤農恨不得終於千畝豈止以三推爲限哉遂耕數  
十步大赦天下改元二月丙申李昉罷趙昌言爲太保兼侍中呂  
蒙正同中書門下平章事皇子元僊封許王皇第三子封襄  
王元份越王錢俶徙封鄧王王沔參知政事張宏樞密副使楊守  
一僉書樞密院事庚戌皇子元僊封徐國公元僊涇國公三月  
乙丑趙昌言貶乙亥誅侯莫陳利用于商州秋八月甲子鄧王  
錢俶薨九月乙酉楊守一卒

二年秋七月己卯張齊賢樞密副使張遜僉書樞密院事戊子



拜出東井八月丙辰大赦天下冬十二月庚申 詔自古先哲  
王託居人上蓋務求於至治豈有尚於虛名矧乃皇帝之稱已  
極崇大爰自唐室始如美號拘臣子之愛戴著方策之典常踵  
事增華積習無改朕博考載籍追法古道既與三五之舊制深  
懼寶賈之有踰憮然自思不遑懲創自今四方所上表宜稽稱  
皇帝 上又謂宰相曰皇帝二字亦不可兼蓋起於秦始皇帝  
代因之不改朕比欲止稱王但以諸子封王為不便耳羣臣上  
表請後尊號上不許又上法天崇道文武皇帝 詔去文武  
二字乃許

淳化元年春正月戊寅朔改元戊子趙普罷秋八月己巳禁川  
峽嶺南採牲

二年春閏二月辛未日有食之三月乙丑辛仲庸罷是四月辛

巳張齊賢陳恕並參知政事張遜溫仲舒敘準並樞密副使張  
宏罷秋七月李繼遷歸順九月丁酉王沔陳恕罷已亥呂蒙正  
罷李昉張齊賢並同中書門下平章事賈黃中李沆並參知政  
事癸卯王顯罷甲辰張遜知樞密院事溫仲舒並同知院事  
三年春正月乙巳 詔曰昔舜之有天下也選於衆而事善人  
則不仁不善者斯遠矣矧今擬封至貴設官尤嚴注濫既限於  
常調更俊或沉於下僚俾振滯淹苟在補遺傳不云乎如有所  
舉者其有所試矣朕當親覽而進之其令常參官舉升朝官者  
各二人二月乙丑朔日有食之夏五月旱秋七月己酉太師趙  
普薨冬十一月己亥開封尹許王元偁薨

四年春正月辛卯合祭 天地於圜丘以 宣祖 太祖並配  
大赦天下二月己未朔日有食之盜起于蜀夏六月丙寅張齊

賢能士申張謙知樞密院事呂端參知政事劉  
昌言同知樞密院事秋八月丙辰朔日有食之冬十一月辛未  
李昉賈黃中李昉溫仲舒並罷呂蒙正同中書門下平章事趙  
鎔向敏中同知樞密院事蘇易簡參知政事丁丑趙昌言參知  
政事十二月賊推李順爲首陽蜀州又陷邛州又陷永康軍  
五年春正月李順陷漢州又陷彭州癸酉命李順討賊李順  
甲戌命內侍王繼恩率兵討李順二月李順陷成都府夏四  
月李繼隆克夏州擒趙保忠以獻詔釋之授右千牛衛上將  
軍封右罪侯壬寅王師克劍州五月克閬州又克巴州師進破  
賊十萬遂克成都李順之黨並伏誅秋八月蜀寇平九月壬申  
皇第三子爲開封尹封壽王大赦天下上謂壽王曰汝教在  
得人心而不擾之行人心莫若示之以誠信不擾之無如鎮之

以清淨推是而行雖虎兇亦當制狎況於人乎書曰撫我則后  
虐我則讎信哉斯言也尔宜戒之乙亥夜維參知政事丁丑  
詔曰朕惟蜀川文翁之化在焉乃若盜以賊亂連陷州城靜言  
思之非民之咎蓋由朕委任非常燭理不明黜民之官失於綏  
養築構之吏恣其誅求致然也念茲失德是務責躬求改前非  
庶無貳過矣尔民庶當解朕懷是歲大有年

至道元年春正月戊申朔改元丙辰上清宮成上曰朕在藩  
邸以先帝所賜營其宮欲以祈禱而庇民也癸亥趙昌言罷  
戊辰錢若水同知樞密院事劉昌言罷三月庚申詔曰國家  
郡縣至廣吏貪衆多自公卿以至卑品逮千萬數皆懷材抱器  
明習利病非開言路焉道下情宜令羣職州縣等官並許言公  
私利害附傳置以聞夏四月癸未呂蒙正罷呂端同中書門下



平章事蘇易簡柴禹錫罷張洎參知政事申申趙鎔知樞密院  
事申辰 開寶皇后宋氏崩秋八月壬辰 詔以 皇第三子  
開封府尹壽王為皇太子大赦天下改元

二年春正月辛亥合祭 天地于圜丘大赦天下二月庚辰李  
昌齡參知政事秋七月丙寅李穀罷

三年春正月丙子溫仲舒王化基並參知政事李惟清同知樞  
密院事張洎罷乙酉葬 孝章皇后于昌陵之北二月辛卯行  
營大破李繼遷繼遷遁辛丑 皇帝不豫三月癸巳 皇帝崩  
于萬歲殿壽五十九殯于殿之西階臺上尊諡曰 神功  
聖德文武皇帝廟号 太宗十月己酉葬 永熙陵大中祥符  
元年加上尊諡曰 至仁應運神功聖德文武大明廣孝皇帝  
五年并加上尊諡曰 至仁應運神功聖德文武睿烈大明廣

### 孝皇帝

目錄曰 太宗以英睿之姿佐 太祖定天下開子孫帝王万  
世之業故 太祖勤勤於傳襲非特以 昭憲顧命而已

太宗以明繼聖而能廣文之聲卒其伐功乃大一統于時北自  
常山南極嶺表東際海岱西接洮隴 宋之威德斯為盛矣

東都事略卷第四

本紀四

真宗雅符稽古成功謹德文明武定章聖元孝皇帝太宗第三子也母曰元德皇后李氏以開寶元年十二月生于開封第赤光照室幼而聰睿姿表奇異與諸王戲好作戰陳之狀自稱元帥太祖愛之謂之曰汝為天子否對曰由天命耳太平興國八年拜同中書門下平章事封韓王端拱元年加侍中荆南淮南節度使封羹圭河化五年為開封尹進封奇王至道元年八月立為皇太子仍判府事二年三月癸巳太宗崩奉遺制即皇帝位于厓前夏四月乙未尊皇后曰皇太后大赦天下皇弟元份封雍王元傑充王元偁彭城郡王元偁安定郡王元儼曹國公李至李沆並參知政事五月丁卯詔求直言



種諫甲戌李昌齡貶丁亥立 秦國夫人郭氏爲皇后六月戊戌  
成皇叔廷美追復秦王辛丑 詔天下勿得以祥瑞來獻甲辰  
皇兄元佐復封楚王乙巳追冊范氏夫人潘氏爲皇后錢若水  
罷秋八月己亥曹彬樞密使兼侍中趙鎔罷向敏中夏侯嶠並  
樞密副使李惟清罷冬十月乙酉葬 神功聖德文武皇帝于  
永熙陵十二月丙申追尊 帝母賢妃李氏爲皇后  
咸平元年春正月辛酉朔改元甲申有彗出營臺北二月甲午  
詔曰昔之哲王衆聞已過博延議論肅致時雍矧于冲人始闢  
基業政化猶鬱星亦濫彰敢忘責躬必登垂謚其令有位極言  
無隱夏五月戊午朔日有食之冬十月丙戌朔日有食之戊子  
呂端罷張齊賢李沆並同中書門下平章事李至罷己丑溫仲  
舒夏侯嶠罷向敏中參知政事楊礪宋湜並樞密副使

二年春閏三月庚寅

詔開言路夏六月

詔曰服用之制條

式具存僭奢僭不懲則耗蠹茲甚自今庶有鋪金泥玉之飾  
其禁之戊午曹彬薨己丑王顯樞密使秋八月乙卯羣臣上尊  
號曰 崇文廣武聖明仁孝皇帝癸酉楊礪薨九月庚辰朔日  
有食之冬十一月丙戌合祭 天地于闕宮奉 太祖 太宗  
並配大赦天下契丹寇邊乙未 詔幸河北己酉李沆留守京  
師十二月甲寅發京師戊午駐蹕澶州甲子次大名契丹寇威  
虜軍王師破契丹于五合川

三年春正月己卯朔益州軍亂向敏中權同知樞密院事契丹  
寇河間康保裔死之庚申赦河北壬辰宋洪範甲午發大名益  
州叛軍推王玠爲首庚子 皇帝至自大名二月癸亥王顯罷  
周坐王繼英並知樞密院事王且同知院事三月戊寅朔日有

食之已卯葬 元德皇帝夏五月丁丑赦天下六月丁卯向敏中  
爲河北河東宣撫大使冬十月雷有終復益州王均伏誅十一  
月壬午 詔曰在昔黃帝有下風之間伯禹有昌言之拜勤納  
規諫以致雍和君臣叶心上下无壅衆人于此子心惕然聞者  
深詔朝倫大闢言路而箝結相尚啓沃无間當朕之誠信未孚  
邪將庶官徇於因循也今順攷舊規延進諠議凡朕躬過失時  
政違尤教令之闕遺人情之壅閼並可條上勿或緘藏遠計  
者亦議優容文不工者許其直致因將親覽其辭至懷甲申張  
齊賢罷

四年春二月丙寅 詔李賢良方正直言極諫二月庚寅漢家  
正向敏中並同中書門下平章事辛卯王化基罷王旦參知政  
事馬拯陳堯叟同知樞密院事夏四月己未王欽若參知政事

秋九月李繼遷陷清遠軍冬十一月王顯大破契丹于感德軍  
五年春二月癸酉 詔曰比司幣帛者以繁費爲分益出約之  
際有所輕重此可責而不可疑也宜令有司嚴加戒勸無使使  
然三月李繼遷陷靈州守將張繼死之夏六月己卯周崇能秋  
七月甲午朔日有食之冬十月丁亥向敏中罷十一月壬寅合  
祭 天地于圜丘大赦天下己酉皇子祐封信國公

六年夏四月契丹入寇王超逆戰于定州之望都王繼忠陷于  
陳辛巳皇子祐薨秋七月癸丑元德皇帝九月甲辰夏景承正  
罷冬十二月甲子 詔曰朕爲民司牧聞敢逸豫冀聞剛以復  
詔謹言而羣臣奏封事有極陳得失豈詢求未至何復默以  
自持其令御史臺論內外官各上所見勿爲顧避李繼遷攻西  
涼戊寅赦天下



景德元年春正月丙戌朔大赦天下改元辛丑京師地震丁未  
復震二月丙涼蒲羅支擊李繼遷繼遷中流矢死三月己亥  
皇太后崩于萬安宮秋七月丙戌李沆薨復畢士安參知政  
事八月己未畢士安薨畢士安同中書門下平章事王繼英樞密  
使馮拯陳堯叟並改命書樞密院事契丹入寇乙巳河決澶州  
閏月以王欽若判天雄軍契丹將撻覽率衆攻威虜順安軍又  
與契丹主及其國母寇定州駐于陽城淀以求和契丹寇奇嵐  
軍冬十月王繼忠以契丹來請和命曹利用使于契丹丁未皇  
弟元份留守京師十一月辛亥契丹寇瀋州又遣使州庚午  
皇帝親征王繼忠爲契丹請和契丹率衆犯瀋州射殺其將撻  
覽乃于辛巳徙戍復移御澶州北城行宮曹利用還十二月庚  
辰朔日大雪契丹使韓杞來請和詔諸將按兵于葭絳河

比癸巳皇弟元份薨以王旦權留守甲午發澶州契丹使丁振  
來上誓書契丹出塞戊戌皇帝至自澶州

二年春正月庚戌朔大赦天下夏四月己亥詔河北諸州置  
城池癸卯王欽若罷馮拯參知政事六月趙德明歸歿秋七月  
甲子詔從賢良方正能直言極諫博通墳典達於教化才識  
兼茂明於射用武足安邊洞明輅路運籌帷幄勝軍謀宏遠才任  
邊寄堪爲將帥六科八月戊寅維王元份薨冬十月乙酉畢士  
安薨十一月丁巳合祭天地于圜丘大赦天下皇弟元份封  
寧王元份舒王元儼廣陵郡王

三年春二月丁亥王繼英薨戊戌冠羣龍王旦同中書門下平  
章事己亥王欽若陳堯叟並知樞密院事趙安仁參知政事韓  
崇訓馬知節兼書樞密院事冬十月葬明德皇后

四年春正月甲辰陳堯叟留守京師己未 皇帝朝謁 諸陵  
發京師丙寅鎮獻 安陵永昌 永熙陵及 諸后陵二月己  
巳幸西京辛卯發西京甲午次鄭州遣使謁周高陵二陵二月  
己亥 皇帝至白西京夏四月辛巳 皇后郭氏崩甲午 詔  
曰權酷之利素有定規過求羨福是繼招克自今中外不得增  
課庶以息民五月丙申朔日有食之六月乙卯葬 莊穆皇后  
秋七月宜州軍校陳進以宜州亂陷柳泉州懷遠軍八月庚子  
韓崇訓罷冬十月曹利用擊賊黨陳進伏誅乙卯 詔曰拷  
掠之法素著科條非理擅行茲謂慘酷諸司應有非法訊  
囚之具一切毀棄

大中祥符元年春正月乙丑天書大中祥符二篇降于左聖天  
閣之上戊辰大赦天下改元夏四月甲午詔以十月有壬子泰

山王欽若趙安仁爲泰山封禪經度制置使丙午作玉清昭應  
宮五月戊子 詔賈咸進奉物勿以銷金文繡爲飾六月乙未

天書再降于泰山醴泉庚戌赦兗州辛亥羣臣上尊號曰 崇

文廣武儀天尊道寶應章咸聖明仁孝皇帝秋八月己丑上

太祖 太宗尊謚九月庚申向敏中留守京師甲子 皇帝幸

天書告 太廟冬十月辛卯發京師丁亥享 昊天上帝于泰

山之園壇陳天書于左奉 太祖 太宗配命羣臣享五方帝

諸神于山下大赦天下丙辰次兗州十一月戊午幸曲阜進謁

文宣王廟加上文宣王曰玄聖文宣王丁丑 皇帝至白泰山

壬午以正月二日爲 天慶節甲申 親享六室十二月皇帝第

元儼封榮王

二年冬十月甲午 詔天下置天慶觀十一月丙辰 皇帝作文



武士條賜文臣任將運使以下至知縣武臣任將帥以下至巡檢者

三年春閏二月戊辰赦京畿秋八月詔以來年春有事于汾陰以陳堯叟爲祀汾陰經度制置使冬十一月陝州黃河清十二月又清向敏中留于京師

四年春正月丙申以六月六日天書再降口爲天貺節丁酉皇帝奉天書發京師庚子至汜水辛丑望拜諸陵二月辛酉皇帝詣睢上祀后土地祇奉太祖太宗配大赦天下三月次西京丙申謁安陵求呂求熙元德皇后陵夏四月皇帝至白汾陰皇帝元保封相王五月乙未詔曰峻極之岳神靈主焉其加上五嶽帝號秋七月壬申詔兩浙福建荆閩廣南路諸州每歲丁錢四十五萬四百千悉降之甲午馮拯

罷八月乙巳河決通利軍

五年夏四月戊申向敏中同中書門下平章事三司言民有販茶違法者許同居告上曰以利而壞風俗可乎不許秋八月丙申朔日有食之九月戊子王欽若陳堯叟並樞密使同平章事馬知節樞密副使丁謂參知政事趙安仁罷冬十月戊午

九天司命天尊降于延恩殿諭以本人皇九天之一乃趙始

祖再降爲黃帝後唐時復降主趙氏之族己未大赦天下閏月

己巳上天尊聖號曰聖祖上靈高道九天司命保生天尊大帝辛未謁謝太廟壬申詔避聖祖名以七月一日爲

先天節十月二十四日爲降聖節乙亥上聖祖妣懿號曰元天大聖后又加上太廟六室尊謚丙子君唐上尊號曰

崇文廣武獻天尊帝應直祐德上聖欽明仁孝皇帝十一月丙

申親祀 玉皇于朝元殿以 聖祖 太祖 太宗配十二月  
壬申改謚孔子爲至聖文宣王丁亥以德妃劉氏爲皇后  
六年春正月辛酉 詔宗正寺以帝籍爲玉牒夏五月赦東京  
建安軍以鑄 玉皇 聖祖 太祖 太宗尊像成故也秋七  
月癸卯 詔天下勿稅農器八月庚申 詔以來春親詣亳州  
太清宮辛酉以丁謂爲奉祀經度制置使庚午加上 老子號  
曰太上老君混元上德皇帝冬十一月戊午朔日有食之丙寅  
寇準留守京師

七年春正月壬寅 皇帝奉天書發京師已酉朝謁太清宮庚  
戌幸亳州謁 聖祖殿乙卯次應天府丙辰 詔曰應天府  
太祖興王之邦也其建南京作鴻慶宮二月辛酉 皇帝至自  
亳州壬申恭謝 天地于南郊大赦天下三月丁未 皇子封

知節罷作往涼觀五月壬戌 詔曰民勤稼穡家有儲蓄所以

備流行之災而未俗澆淳淳務蓄積成或小歉便至流亡豈教  
導之方未其篤也冬末麥將稔令所在長吏躬親勸諭無使後  
然甲子徐王元隆薨六月乙未曹利用知樞密院事秋七月壬  
申赦天下八月甲辰 詔以 皇子昇王爲皇太子大赦天下  
壬子皇弟元灝封通王冬十二月丙午赦知白罷

三年春二月戊午朔日有食之是月朱能以天書降于乾祐山  
中夏六月甲午王欽若罷河決滑州戊戌寇準同中書門下平  
章事平謂參知政事秋七月壬申羣臣上尊号曰 體元御極  
感天尊道應真寶運文德立功上聖欽明仁孝皇帝八月丁亥  
大赦天下冬十一月乙卯 詔曰自今犯酒麪銅鑄等條有死  
刑者去之己巳月重輪辛巳合祭 天地于闕紅大赦天下十



二月辛卯皇弟元儼封涇王曹利用丁謂並樞密使任中正周  
起並副使

四年春正月乙丑曹瑋奏以樞密院事二月己卯尚敏中薨  
六月丙申寇準罷秋七月丙寅少通同中書門下平章事馮拯  
樞密使庚子丁謂同中書門下平章事癸酉誅內侍周懷政八  
月乙酉任中正王曾並參知政事錢惟演樞密副使九月丙辰  
周起曹瑋罷丁卯赦天下冬十一月戊辰丁謂李迪罷己巳謂  
仍赴中書視事馮拯同中書門下平章事庚午詔自今除軍  
國大事朕自親決餘皆委皇太子同宰相樞密使等參議施  
行十二月乙亥皇帝不豫

五年春正月癸巳赦天下丁酉張子遜樞密副使秋七月甲戌  
朔日有食之

慶因公夏四月丙子舒王元偁薨六月乙亥王欽若陳堯叟馬  
知節罷樞密使秋七月癸卯王嗣宗曹利用並樞密副使  
九月辛卯上玉皇聖號曰太上開天執符御曆含真祐道  
玉皇大帝冬十二月己未作元符觀

八年春正月壬午朔大赦天下夏四月壬戌冠進士欽若陳  
堯叟復爲樞密使丙寅詔曰倉廩出納自今勿得以羨餘爲  
吏課壬申築主宮火五月庚子放宮人一百八十四人丙午皇  
弟元儼降封端王詔宗室皇親及外庭臣庶之家不得以銷  
金戴金金線之類爲衣服器用六月己酉朔日有食之閏月己  
卯大赦天下秋七月戊午王嗣宗薨冬十一月辛酉皇弟元儼  
封懿王十二月辛卯皇子封壽春郡王

九年春正月丙辰張旻樞密副使夏五月皇弟元儼薨

景福宮太極觀成秋七月蟬八月丙戌陳亮受罷九月甲辰丁  
謂罷丙午陳彭年王曾張知白並參知政事任中正樞密副使  
宗哥喃斯羅入寇賈瓊擊敗之冬十一月乙卯詔改元  
天禧元年春正月薦獻玉皇大帝于玉清昭應宮上聖  
祖天尊大帝仙服于景靈宮辛亥恭謝天地于南郊大赦天  
下以四月一日爲天祺節二月戊寅皇弟元僊封徐王己亥  
陳彭年薨夏四月乙亥赦聖祖金寶牌于天下五月戊申王  
旦爲太尉侍中遇軍國重事不限時日入預參決六月壬申赦  
西京秋七月丁巳王旦罷八月庚午王欽若同中書門下平章  
事張旻罷戊寅免牛稅九月癸卯王曾罷李迪參知政事馬知  
節知樞密院事曹利用任中正周起並同知院事冬大雪  
二年春二月丁卯皇子封昇王夏四月庚寅赦天下癸卯馬

乾興元年春正月辛未朔改元二月庚子朔大赦天下詔曰  
今中外所上表咸去稱號羣臣請上尊號曰應天尊道欽明  
仁孝皇帝從之庚戌皇帝不豫戊午皇帝崩于延慶殿聖  
壽五十五殯于幾之西階皇帝上尊諡曰文明章聖元孝聖  
帝廟號真宗冬十月己酉葬永定陵天聖二年加上尊諡曰  
文明武定章聖元孝皇帝慶曆七年再加上尊諡曰應符稽  
古神功讓德文明武定章聖元孝皇帝  
臣輔曰宋以承五季之餘天下得萬民革之苦至真宗每太  
平之治洽如也咸平以來君明臣良家給人足刑措不用建  
丹請和示以休息德明納款托以恩信於是朝帝陵封岱宗  
祀汾雩謁亳社絕代曠典莫不具奉禮樂明備頌聲洋溢崇本  
報功以告神明千載一時豈不休哉曠守成之賢致治之盛周



成康漢文景可以比德矣

東都事略卷第四

東都事略卷第五

本紀五

仁宗體天法道極功全德神文聖武睿哲明孝皇帝 真宗第六子也母曰 章懿皇后李氏嘗夢二日在天其一忽墜以裾承之自是有娠以大中祥符三年四月十四日生是日大雷震章獻明肅皇后以爲己子七年爲左衛上將軍封慶國公八年拜中正軍節度使兼侍中進封壽春郡王天禧元年兼中書令二年爲建康軍節度使太保封昇平八月立爲皇太子 仁宗容止莊重不妄笑四年 詔中書樞密院及諸司非大事並委 皇太子資善堂裁處以開乾興元年春二月戊午 真宗崩奉遺制即 皇帝位于顯則尊 皇后曰皇太后以 皇帝尚幼軍國事兼權取 皇太后處分已未大赦天下丙寅丁

謂以司徒馮拯以司空兼侍中皇叔元儼封定王三月乙酉作  
受命寶夏六月庚申誅內侍雷允恭癸亥丁謂貶任中正罷秋  
七月辛未王曾同中書門下平章事吳簡言宗道並參知政  
事丙子錢惟演樞密使八月乙巳 皇帝 皇太后初御承明  
殿垂簾決事九月己卯以天壽從葬永定陵冬十月己酉葬  
文明章聖元孝皇帝于永定陵十一月丁卯朔錢惟演罷張  
知白樞密副使

天聖元年春正月丙寅朔改元秋七月辛巳放天下逋欠八月  
丙午赦天下九月丙寅馮拯罷王欽若以司空同中書門下平  
章事

二年春二月癸未 皇太后詔宰臣曰吾受 先帝顧託之深  
皇帝當于春秋助成正道用乂斯民期見抱孫之歡永定陵

二年春二月癸未 皇太后詔宰臣曰吾受 先帝顧託之深  
皇帝當于春秋助成正道用乂斯民期見抱孫之歡永定陵  
二年春二月癸未 皇太后詔宰臣曰吾受 先帝顧託之深  
皇帝當于春秋助成正道用乂斯民期見抱孫之歡永定陵

三年夏四月壬子朔 詔恤刑獄冬十月辛酉晏殊樞密副使  
十一月戊申王欽若薨十二月張知白同中書門下平章事乙  
丑張洎樞密副使

四年夏五月壬午 詔曰 國家勸郵黎庶必期無訟而生齒  
之繁犯者頗衆朕甚聞焉應天下大辟情理可矜及刑名疑處  
并具案以聞有司無得率數閏月減江淮發運司歲漕止六百



萬石六月建州劍州邵武軍大水庚寅大雨霖霽平地水數尺  
壞京城民舍河南府鄭州大水秋九月乙卯詔曰講學之廢  
久而執卷者不知經義非上之教導有失邪其令講官孫奭馮  
元舉京朝官博通經術者以名聞冬十月甲戌朔日有食之十  
二月丁亥皇帝曰皇太后欲元日率百官先上皇太后  
壽朕遂受朝太后曰豈可為吾而後元會之禮哉王曾奏曰  
陛下以孝奉母儀而太后以謙全國體請如太后令  
五年春正月壬寅朔皇帝率百官上皇太后壽于會慶殿  
朝于天安殿己未晏殊罷戎役夏竦樞密副使三月秦州地震  
夏五月癸亥楚王元佐薨冬十一月癸丑合祭天地于圜丘  
大赦天下

六年春二月壬午張知白薨二月丙申朔日有食之壬子張士

遜同中書門下平章事姜遵范雍樞密副使辛酉建太一宮夏  
四月甲申流星大如斗秋七月河北大水九月遣近臣十七人  
巡行河北

七年春正月癸卯曹利用罷二月庚申朔魯宗道薨丙寅張士  
遜罷宮吏簡同中書門下平章事夏竦薛奎參知政事陳堯佐  
樞密副使三月癸未詔曰國家設制策之科將博詢於類  
議有能規朕躬之過失陳宰相之闕遺糾中外之姦回斥左右  
之朋比述未明之機事責無隱之宿謀以至臺省之官阿私而  
罔上郡國之吏縱恣以濫刑或通受貨財濫行請託或怙勢操  
勢敢事貪殘並許極言朕當親覽其令百官遇起居日轉對在  
外臣僚亦許具實封以聞夏四月庚寅大赦天下六月丁未王  
清昭應宮災甲寅王曾罷秋八月丁亥朔日有食之詔以天

下職田租送官以數上三司均給之辛卯夏陝西樞密副使陳堯佐王曙並參知政事冬十月丙午京師地震十一月癸亥 皇帝率百官上 皇太后尊壽于會慶殿是歲旱以元獻封鎮王八年秋九月乙丑姜遵惠薨已趙禔樞密副使冬十月丙申詔罷權池鹽地分初陝西京西京南路計解州餘縣權之議者以軍運之役困軍民至是京西京北河東京西路並聽以見錢金銀輸京師權池貨稅就池給鹽其後商賈得運而官課損矣十一月戊辰合祭 天地於圜丘大放天下

九年春二月癸巳 詔曰天下吏給職田所以惠養廉節也而貪汙之入並緣爲私侵蝕細民滋以爲害此豈有司督從停罷如聞勸吏吏俸薄不足以自養朕其甚焉其復職田冬十月丙戌 詔曰朕遵 列聖之訓荷 慈愛之教于茲八年公

播紳之間名節閭閻粉飾者甚衆夫以近名希進者行險以微寵詆誣執政干撓有司分屏翰者或奏請之廢職主按察者或寬縱之爲得貪而無耻姑務營私老而非材曾不知退避廉耻之末飭致風化之靡醇此豈朕之所望哉用稽察引申儆戒倫苟少冒於寬貸將自投於公憲布告遐邇體朕意焉

明道元年春二月庚戌張士遜同中書門下平章事于卯順容李氏爲宸妃是日薨秋七月乙酉王曙罷八月庚子朔晏殊樞密副使丙午殊參知政事甲寅王榮勳樞密副使壬戌文德殿成是夜禁中火乙丑 詔求立子卯大赦天下冬十一月甲戌恭謝天地于天安殿遂謁太廟大放天下改元癸未皇叔元僊徙封孟王辛卯封荆王十二月壬寅楊崇勳樞密副使二年春二月乙巳 皇太后饗太廟羣臣上 皇太后尊號曰



惠元齊律勳功崇德烈仁寶太后丁未皇帝祀神農于壇乃就耕位執耜行籍田之禮三推有司請止上曰朕將耕之終畝以勸天下之力農乃耕土一畝而止大赦天下羣臣上尊號曰睿聖文武體天法道仁明孝德皇帝三月庚寅皇太后不豫大赦天下甲午皇太后崩于寶慈殿夏四月罷命婦進獻折乞恩澤凡表奏無得緣親戚投進禁中事有傳宣令有司實封覆奏內批改官及與著遣未得即行委中書樞密院審取處分天下毋得刑修寺觀聖節所進香合山儀並停上親政中外大悅己未呂夷簡奏著親筆通同中書門下平章事夏竦陳亮佐范雍趙鼎晏殊罷宰相參知政事李致遠樞密副使王德用僉書樞密院事五月癸酉詔曰大行皇太后保佑冲人十有二年恩勤至矣而臣等罔識大體詆訐一時之事非所

以慰朕孝思也其垂簾日詔命中外毋輒以言上親攬政而言者多譏斥垂簾日事上惡其持情近薄故禁之乙亥李諮以父憂起復六月甲午朔日有食之秋七月戊子詔曰比年以來蝗旱作沴郡國交奏日月相仍豈朕德之不明將天時之適爾夙夜循省各實在于今尊號去睿聖文武四字仍令中外各直言極諫朕將親覽焉八月庚申以內藏錢百萬賜三司初三司以用度不足告于上上曰國家禁錢本無內外蓋以助經費也自是歲歉或調發則出內藏以濟之冬十月丁酉葬莊獻明肅皇后于永定陵戊午張士遜揚崇勳罷呂夷簡同中書門下平章事王曙樞密使宋綬參知政事王德用蔡齊樞密副使十一月癸亥朔薛奎罷十二月乙卯皇后郭氏廢丁巳詔改元

景祐元年夏閏六月甲子泗洲淮汴溢秋八月壬戌有星孛於  
張翼參女王昭苑庚午王曾樞密使辛未以星孛天赦天下九  
月甲辰立 皇后曹氏冬十月丙戌寇邊

二年春二月戊辰李油罷王曾同中書門下平章事王隨李諮  
並知樞密院事王德用韓億同知院事蔡齊成履並參知政事  
夏四月庚午 詔曰雅樂之作治道所基郊丘宗廟之祠朝廷  
饗饋之禮人神和會茲實重焉爰命有司攷正鍾律應中外臣  
僚饒苻里儒之輩博聞之士能淵曉古今雅樂制作及音律  
得失灰琯測候之法並許所在薦聞或自言官司將較試之五  
月甲申朔 詔曰朕恭惟 太祖皇帝受天命建大業可謂有  
功矣 二聖繼統重熙累洽可謂有德矣其令禮官稽按典籍  
辨 崇配之序定 二挑之位中書門下審加詳閱以稱朕心

於是禮院言我 太祖經綸草昧遂有天下功宜為帝者祖  
太宗勤勞制作 其宗財成治定德宜為帝者宗 二廟並萬  
世不毀至於升侑 上帝請自今以 太祖為定配 二宗為  
迭配將來 皇帝親祠請以 三聖並侑中書門下奏請如礼  
官議 詔恭依庚寅恭親金縷金之飾秋七月戊戌羣臣上尊  
號曰 景祐體天法道欽文聰武聖神孝德皇帝九月新樂成  
己酉建睦親宅廣親宅冬十一月戊子廢后郭氏號乙未合祭  
天地于圜丘大赦天下

三年秋七月初置太宗正司八月乙酉 詔天下士庶之家凡  
室宇非邸店樓閣無得四輔作闔八非品官無得起門屋非宮  
室寺觀無得絲繪棟宇及間朱梁柱器用無得純金及表裏用  
朱非三品以上及宗室戚里之家無得金梭器及用玳瑁器非



命婦與得金爲首飾及其珠裝綴首飾衣服凡帝后嫔妃帕床裙  
無得用純錦民間無得束擔子其用幌子者所製無得過二人  
非五品以上無得束團裝銀鞍其束金塗銀鞍條子促結鞍轡  
自文武升朝以上聽逆者物主工匠並以違制論過百日而不  
變毀者坐之冬十一月戊寅保唐太后楊氏薨十二月李諒瑩  
王德用知樞密院事章得象同知院事

四年夏四月甲子呂夷簡王曾宋綬蔡絳等皆隨陳堯佐並同  
中書門下平章事咸度知樞密院事韓億程琳石中立並參知  
政事王欽叅同知樞密院事六月乙亥杭州大風雨秋七月戊申  
有星數百西南流冬十二月忻代并二州地震

寶元元年春正月甲辰麟府州及陝西大雨雹三月戊戌王隨  
陳堯佐韓億石中立罷張士遜章得象並同中書門下平章事

王欽叅若冰並參知政事王博文陳執中並同知樞密院事夏  
四月辛未王博文薨乙亥張觀同知樞密院事秋七月丙辰大  
臣以將郊上尊号上曰唐穆宗謂朕我懿号不若使我爲有  
道之君加我虛尊不若若我於無過之地朕常愛斯言羣臣請  
不已上刊英睿二字而受之於其上尊号曰寶元軀大法  
道欽文聰武聖神孝德皇帝冬十一月庚戌合祭天地于圜  
丘大赦天下十二月甲子京師地震趙元昊反僭号于夏州  
二年夏五月壬子王德用罷夏州贊同知樞密院事六月壬午  
削奪元昊在身官爵仍除屬籍有能生擒及斬首來獻者以除  
定難軍節度使秋八月甲戌皇子生十一月戊子出禁中真  
珠估繒三十万賜三司上曰此無用之物不欲損集不若散  
之民間收其有助給邊儲亦可紓吾民之力也丁酉感慶程琳

罷去與王駸知樞密院事宋庠參知政事十二月夏入犯保安軍狄青敗之

康定元年春正月庚戌日有食之乙亥元昊圍延州劉平石元孫與賊戰于三川口王師敗績平死之二月丙午赦延州保安軍改元夏守將羅二月戊寅王駸陳執中張觀罷宋綬晏殊並知樞密院事王貽永同知院事夏四月丙午誅內侍黃德和五月壬戌張士遜以太傅致仕呂夷簡同中書門下平章事八月乙亥夏守將同知樞密院事秋八月戊午夏守將羅杜衍同知樞密院事九月壬午李若谷罷宋綬晏殊參知政事冬十月知樞密院事戊辰王師失利于三川北夏寇羅密使王貽永鄭戩杜衍並改副使辛未范仲淹以任福等出師攻賊白豹城破之冬十一月范仲淹以爲懷敏出師出師娘谷与夏人

戰敗之十二月宋綬薨

東都事略卷第五



東都事略卷第六

本紀六

慶曆元年春二月辛卯韓琦以任福等與賊戰于好水川任福及耿傳桑懌王珪武英死之己亥皇子昉薨夏五月乙丑皇子昉薨卒未宋庠鄭戩罷王文正參知政事任中師任布並拒密副使秋八月元昊寇麟府二州戊子元昊陷興州守臣王餘慶死之乙未毀潼關九月乙亥詔天下烹茶禁冬十一月丙寅合祭天地于圜丘大赦天下改元

二年春正月契丹聚兵幽薊三月丁巳杜衍宣撫河東辛酉罷宗穀罷已巳契丹遣蕭英劉六符來求閬南地夏四月庚寅命富弼使于契丹五月丁巳陞大名府爲北京戊寅詔自中宮已下並不得衣銷金纓金戍金陷金明金泥金榜金堦金欄金

盤金緘金金線然金等秋七月丙午任布罷戊午呂夷簡判樞密院呂夷簡象其樞密使富弼還癸亥再使契丹九月丙午呂夷簡改兼樞密使乙丑契丹遣邪律仁先劉六符來脩好甲午葛懷敏與元昊戰于定川此戰頗冬元昊求納款

三年春正月辛未封皇子曩霄爲郕王是日薨癸巳延州言元昊稱夏國遣賀從昉來納款二月遣梁適使于契丹三月戊子呂夷簡守司空軍國大事與中書門下樞密院同議以聞晏殊同中書門下平章事兼樞密使賈昌朝參知政事夏四月癸卯以邵良佐使夏州甲辰韓琦范仲淹並樞密副使乙巳杜衍樞密使夏練罷甲子呂夷簡罷與議軍國大事五月乙卯朔日有食之乙亥忻州地震丁亥置武學戊子雨上曰天久不雨將害民田朕每焚香禱於天昨寢殿中間雷遽起知禁暴發災庭

須臾雨霽求或異祐苗尚可收秋七月甲子王舉正罷甲戌任中師宣撫河東范仲淹宣撫陝西元昊遣使來八月丁未范仲淹參知政事富弼樞密副使癸丑以韓琦宣撫陝西九月乙亥任中師罷冬十月詔韓琦等口比以中外人望故決意用卿等今琦暫往陝西仲淹弼宜與宰相得象尺心同事毋或有所顧避其當畢急務有可建明者果爲朕陳之壬寅詔曰虞興考三載之績周官計集吏之治攷課則有限年之制入官則有循資之格然非優沮善惡則不激厲非甄別流品則不憤發特須程式以茂官箴自今京朝官有孝官五人才得磨勘外郎至卿監亦如之其孝者不足增二年甲子鄭戢奏城水洛冬十一月丙寅上清宮災庚寅韓琦使還

四年春正月乙亥荆王元儼薨丙子宣州歐布範叛破環州癸



末 詔自今見任兩府及兩省已上官不得陳乞子弟親戚爲館職其進士及第三人已上者一任四無過犯須進經術十卷下兩制有詳可否召試入優等方得除館職或闕人即以實有兩府臣僚二人或大兩省已上三人保薦者並令進文字然後補試之丁亥 詔曰周禮大司樂掌三教以六藝教國子漢制光祿勳與在籍以四行察三省郎今蔭法之所原古典刑之是憲天家嗣先錄以篤爲後之辨支子限年以明入官之重非惟爲國造士是乃爲臣立家否尔百僚射朕茲意壬辰 詔曰廉素者士之常而富貴者是人之所欲也昔 先帝詔復公田合王制班祿之業得聖人養賢之道然郡縣受地有无不齊其議所以均之三月壬申 詔曰夫儒者通乎天地人之理而兼明古今治亂之原可謂博矣然又其有不得騁其說而有司務先声

病章句以牽拘之則吾家傳詩傳之士何以養焉士有明純樸茂之美而无教之養成之法其飭身勵節者使与不肖之人雜而並進則夫懿德敏行之賢何以見焉今朕建孝以善以傳子大夫之行而更革弊法以尽孝者之材其於教育之方勤亦至矣有司其務嚴訓導精察孝以稱朕意孝者黃進德脩業而无失其時於并諸路州府軍監並立孝壇修孝者多及二百人以上許更置縣孝夏四月令杜杞往平歐希範五月庚午忻州地震丙戌元昊遣使來稱臣更名靈夏秋七月水洛城成庚戌范仲淹宣抚陝西河東癸未並并置邪律元衡來告冬兵攻夏州八月富弼宣抚河北戊戌保州軍亂九月辛卯田況以李昭亮平保州庚午晏殊罷甲申杜衍同中書門下平章事兼樞密使賈昌朝樞密使陳執中參知政事冬十一月壬寅改謚 真

宗五后尊謚壬午合祭 天地于圜丘大赦天下十二月乙未封葉賓爲夏國主

五年春正月乙酉范仲淹富弼罷丙戌杜衍罷曹瑋朝同中書門下平章事兼樞密使王貽永樞密使宋庠參知政事吳育龍籍樞密副使二月辛卯 詔曰比者京朝官須因人保任始得遷官朕念廉直或不能以自進也其罷之三月己未 詔太宗正寺曰朕思古之人君莫不厚親戚以輔王至始邦家而化天下 宋興八十餘載宗室蕃衍宜令睦親宅諸院教授官課經典文詞以聞辛酉韓琦罷甲子杜杞誘歐希範幽之甲申放陝西戊申章得象罷陳執中同中書門下平章事兼樞密使庚戌吳育參知政事丁度樞密副使秋七月甲子廣州地震乙卯荆南岳州地震冬十月乙卯契丹使來獻捷辛酉升祔 章獻

章獻于 真宗廟室大赦天下庚戌宰相罷兼樞密使

六年春二月戊寅青州地震三月辛巳朔日有食之庚寅登州地震五月甲申雨雹地震秋八月癸酉吳育樞密副使丁度參知政事九月丁卯登州地震 上曰山東連地震宜防未然之變其下登州嚴武備

七年春二月己未曹瑋朝吳育罷夏竦樞密使文彥博樞密副使丁酉文彥博參知政事高若訥樞密副使冬十月乙丑河陽許州地震十一月乙未加上 真宗尊謚戊戌合祭 天地于圜丘大赦天下壬則反于貝州

八年春正月丁丑文彥博宣撫河北閏月辛丑文彥博平貝州甲辰赦河北戊申文彥博同中書門下平章事甲子衛士作亂于禁中丙午壬則伏誅夏四月壬辰丁度罷明稿參知政事五



月夏竦罷宋庠樞密使龐籍參知政事六月甲午明錫爵河北大水冬十二月乙丑朔 詔改元

皇祐元年春正月甲午朔日有食之二月消井亦蠶寇邊秋八月壬戌陳執中罷宋庠同中書門下平章事龐籍樞密使高若訥參知政事梁適樞密副使九月廣源州亦焚寇邕州

二年春三月戊子朔 詔以九月有事于 明堂夏四月乙丑

詔曰明堂之禮前代並用鄭康成王肅義說兼祭 昊天上帝已爲變禮 因朝自 祖宗以來三歲一親郊即備祭天地而

百神靡不從祀 明堂正當三歲親郊之期而禮官所定上祭

昊天五帝而不及 地祇又配坐不及 祖宗未合 三朝之

制今移郊爲太享蓋爲民祈福若祭天而不祭地又 祖宗不

得備配於禮未安其將來親祀明堂宜合祭 昊天 皇地祇

奉太祖太宗 真宗並配而五帝神州地祇亦親獻日月

河海諸神悉如園丘從祀之數以稱朕躬事 天地 祖宗神

靈之意五月廣源州亦焚秋九月辛亥太享 明堂大放天下

冬十一月秀州地震

三年春三月庚申宋庠罷夏五月梧州進瑞麥圖 上曰朕嘗

禁四方瑞物今則西川麥秀可謂其瑞矣其賜田夫束帛以敦

勸之六月无爲軍獻芝草 上曰朕以豐年爲瑞賢臣爲宝至

於草木虫魚之異焉足尚哉仍戒州郡自今无得以聞秋七月

丙辰 詔曰兗州仙源縣自 國朝以來孔子子孫知縣事使

奉承廟祀近歲廢而不行非所以尊 先聖也自今宜以孔子

子孫知縣事冬十月作降僖殿庚子文彦博罷龐籍同中書門

下平章事高若訥樞密使梁適參知政事壬戌樞密副使

四年夏四月廣源州亦魯僂智高反五月乙巳僂智高陷邕州司  
戶參軍孔宗旦死之癸丑僂智高陷橫州丙辰陷貴州庚申陷  
龍州辛酉陷藤州又陷梧州又陷封州守臣曹觀死之壬戌陷  
康州守臣趙師旦死之癸亥僂智高陷端州丙寅僂智高圍廣  
州六月丁亥秋青樞密副使秋七月壬戌僂智高去九月庚午命  
狄青討僂智高冬十月丁丑僂智高陷賓州甲申僂智高入據邕  
州十一月壬寅朔日有食之

五年春正月戊午秋青敗僂智高于歸仁鋪僂智高遁二月甲申  
赦廣南三月甲子奉太祖御容赴滁州太宗御容赴并州  
真宗御容赴澶州立原廟夏四月壬申秋青還五月乙巳秋青  
樞密使高若訥罷丁未孫沔樞密副使六月己亥奏新樂秋閏  
七月壬申虜藉罷陳執中梁適並同中書門下平章事劉沆參

知政事冬十一月己巳合祭天地于圜丘大赦天下

至和元年春正月癸酉貴妃張氏薨三月己巳王貽永孫沔罷  
王德用樞密使田況副使庚申改元夏四月甲申朔日有食之  
秋七月丁卯程戡參知政事戊辰梁適罷八月丙午劉沆同中  
書門下平章事冬十月辛卯朔太白晝見

二年春三月丙子詔封孔子後為衍聖公夏四月己亥契丹  
遣使以其主繪像來獻其求御容六月陳執中罷戊申文彦

博宣弼並同中書門下平章事冬十一月庚戌太白晝見

嘉祐元年春正月庚申皇帝不豫甲子大赦天下二月甲辰  
御延和殿閏三月癸未王堯叟參知政事程戡樞密副使夏四  
月河北大水壬子河決商胡六月乙亥太社太稷壇壞己卯  
詔曰迺者淫雨降災大水為沴雨河之間決溢為患皆朕不德



天意所譴其令中外實封言時政闕失母有所諱秋七月彗出紫微垣八月庚戌朔日有食之癸亥秋青龍韓琦樞密使九月辛卯恭謝天地于大慶殿大赦天下改元冬十一月辛巳王德用罷賈昌朝樞密使十二月戊申朔劉沆罷曾公亮參知政事

二年春三月丁丑雄霸州地震三月己未契丹遣邪律防來求御容秋八月丁卯天下置廣惠倉九月契丹遣蕭扈來求御容冬十月乙巳以張昇奉御容使于契丹

三年夏六月丙午文彥博罷韓琦同中書門下平章事賈昌朝罷宋庠田況樞密使張昇副使乙亥交趾獻異獸秋八月己未王堯臣薨冬閏十二月丁丑詔曰朕惟國之取士士之待舉皆不可以曠久亦不可以泛冗冗則課校不審久則賢愚或滯

用間歲之期而約貢舉之數以精其選著爲定法申敕有司而高下之往嘗不次而用若猶例進終至溢員故增其任以率其材緩其進以圖其效此天下之士所同欲而朕果於必行也若夫高材異行施於有政忠謨嘉猷見諸行事已試之狀爲衆所推必有非常之恩以示至公之道咨尔多士朕意焉

四年春正月丙申朔日有食之三月辛卯詔凡宮室之制器用之度冠服之章妻媵之數其令中外各遵守前後詔條違者御史臺及開封府糾察以聞諸路即委轉運使提點刑獄及長吏如詔施行夏四月癸酉詔曰先王推紹天之序尚尊賢之義褒其後嗣賓以殊礼豈非聖人稽古報功之大典哉國家受命之元繼周而王雖民靈欣戴歷數允集而虞賓將遜德美不顯頃者推原本始褒及文庶恩則厚矣而義未稱將上采姚



妙之舊略循周漢之典詳其世嫡優以公爵異其仕進之路申以土田之錫俾寢廟有奉庶幾乎春秋通三統之義厚先代之制矣其以柴氏最長一人封崇義公与河南鄭州差遣給公田十頃以奉周祀至知州資叙即别与差遣却取以次近親人襲爵永爲定式五月丙辰田况罷六月辛亥放宮女二百一十四人冬十月癸酉祫祭于大廟大赦天下

五年夏四月癸未程戡罷孫朴樞密副使五月京師地震六月乙丑詔曰朕聞前代之稱治者君臣同心上下輯睦人知礼義之節俗无激訐之風何其德之盛也朕雖弗敏切嘗慕焉自今臣僚如有輒上封章告人罪及以赦前事言者並當訊劾之言事之臣雖許風聞宜務大體如事關朝政无憚極論自餘小過細故勿須察奉秋七月庚戌詔曰夫和平醇一之政行則

民休美之氣應險刻媮薄之路啓則民戚慘之變生蓋風化之感天下其猶影響之相從也御史執法實爲朕言宜深詔執事以遏浮競之風其令中書門下務采端厚忠實可以表厲風俗之士並進于朝以啓迪朕心其詭激辨巧敢涉朋比之迹者必行放棄之罰庶幾朝廷清明百異消弭以起治平咨尔攸司其服朕命冬十一月辛丑宋庠罷曾公亮樞密使張昇孫朴參知政事歐陽脩陳升之趙槩並樞密副使

六年春三月己亥富弼以母喪罷夏四月庚辰陳升之罷包拯樞密副使六月壬子朔日有食之秋七月癸巳詔曰朕惟善治之主以天下耳目爲視聽而不自任其聰明耳目之官今臺諫之任也夫以四海之廣万事之衆臺官數人不能以周知固將詢及士大夫而其間傾邪險害之徒不惟朝廷義理所在謂



朕在言責執必施行輒徇已之愛憎倚依形似扇造語言以中  
善良豈朕所以圖治之意哉昔夏后氏之時官師相規漢之公  
卿耻言人過今吾士大夫乃違古人之守蹈薄俗之爲日益之  
流漫不知止甚无謂也其令中書門下開做百工務行敦實閭  
八月庚子曾公亮同中書門下平章事張昇樞密使歐陽脩參  
知政事胡宿樞密副使冬十月壬辰 詔以 皇姪起復知宗  
正寺

七年春正月乙亥 詔自今南郊以 太祖皇帝定配三月乙  
卯孫抃罷趙旣參知政事皇奎樞密副使夏五月庚午包拯薨  
秋八月己卯 詔曰人道親親王者之所先務也蓋二帝之隆  
治由斯出朕甚慕之右衛大將軍岳州團練使某 皇兄濮安  
懿王之子而朕之猶子也少鞠于宮中而聰智仁賢見於夙成

向者選於宗子近藉命以治宗正之事使者數至其第乃崇執  
謙退久不受命朕默然有嘉焉朕承 先帝遺緒奉承 聖業  
罔敢失墜夫立愛之道自親者始固可以厚天下之風而上以  
嚴夫宗廟也其以爲皇子九月辛亥太享 明堂大赦天下  
八年春二月癸未 皇帝不豫甲申赦天下三月辛未 皇帝  
崩于福寧殿聖壽五十四甲午殯于殿之西階羣臣上尊謚曰  
神文聖武明孝皇帝廟號 仁宗冬十月甲午葬 永昭陵元  
豐六年加上尊謚曰 体天法道極功全德神文聖武睿哲明  
孝皇帝

臣稱曰神文皇帝即位四十二年恢廓有聖度以太公至正臨  
御不爲喜怒愛憎之所迁尊敬大臣容受直諫其於宮室苑囿  
无所興作三司請以玉清舊地爲御苑上曰吾奉 先帝苑囿猶



謂其廣何以死爲其事 天地 宗廟則齊栗不自勝或遇時  
變必跣足露立致禱於庭退則靜思所以致變者所幸張貴妃  
每責以正禮見其以珠玉爲飾則却而不視帷帶衾綢多施以  
緇絕元昊不臣懷以文德契丹渝盟敦守大信專務恭儉以德  
化民天下大辟有疑而情可閔者皆令上獄之所活歲以千數  
吏有先入死者則終身不用嘗曰朕未嘗嘗人以死况敢濫刑  
罰乎是以四海之內率熙々然至於昆蟲草木各安其生又能  
傳政 賢明克昌景祚烏拳仁哉

東都事略卷之六

